

plēbit illum: & ipse tamquam imbres mittet elóquia sapiéntiæ suæ, & in oratióne confitébitur Dómino: & ipse diriget consiliū ejus & disciplinam, & in absconditis suis consiliabitur. Ipse palàm faciet disciplinam doctrinæ suæ, & in lege testaménti Dómini gloriábitur. Collaudábunt multi sapiéntiam ejus, & usque in sæculum non delébitur. Non recēdet memória ejus, & nomen ejus requirétur à generatióne in generatióne. Sapiéntiam ejus enarrábunt gentes, & laudem ejus enuntiábit Ecclésia.

**IN COMMUNI  
Conf. non Pontif.  
Léctio libri Sapiéntiæ.**

*Eccl.  
31.*

**B**Eátus vir, qui inventus est sine mácula: & qui post aurum non ábiit, nec spe-

ravit in pecúnia & thesauris. Quis est hic, & laudávimus eum? fecit enim mirabilia in vita sua. Qui probátus est in illo, & perfectus est, erit illi glória ætérna: qui pótuit tránsgredi, & non est transgréssus: fácere mala, & non fecit: ideò stabilita sunt bona illius in Dómino, & eleémósynas illius enarrábit omnis Ecclésia sanctórum.

**DE EODEM  
communi alia Epístola.**

**Léctio Epístolæ B. Pauli  
Apóstoli ad Corínthios.**

**F**Ratres, Spectáculum facti sumus mundo & Angelis & homínibus. Nos stulti propter Christum, vos autem prudentes in Christo: nos infirmi, vos autem fortes: vos nóbiles, nos autem ignóbiles. Usque in hanc

ho-

horam & esurimus, & siti-  
mus, & nudi sumus, & có-  
laphis cædimur, & instábiles sumus, & laborámus operántes má nibus nostris: maledícimur & benedícimus: persecutióne pátimur, & sutinémus: blasphemámur, & obsecrámus: tamquam purgamenta hujus mundi facti sumus, ómnium peripséma usque adhuc. Non ut confúdam vos, hæc scribo: sed ut filios meos charíssimos móneo: in Christo Jesu Dómino nostro.

**ITEM ALIA  
Epístola pro Confes.  
non Pontif.**

**Léctio Epístolæ B. Pauli  
Apóstoli ad Philip-  
penses.**

*Phil.  
3. b*

**F**Ratres, Quæ mihi fuérunt lucrata, hæc arbitrátus sum propter Christum

detriménta. Verúntamen existimo ómnia detriméntum esse, propter eminentem sciéntiam Jesu Christi Dómini mei: propter quem ómnia detriméntum feci, & árbitor ut stercora, ut Christum lucrifáciam, & invéniam in illo, non habens meam justítiam quæ ex lege est, sed illam quæ ex fide est Christi Jesu: quæ ex Deo est justítia in fide: ad cognoscéndum illum, & virtutem resurrectiόνis ejus, & societátem passiónum illius, configurátus morti ejus, si quo modo occurrám ad resurrectióne, quæ est ex mórtuis: non quòd jam accéperim, aut jam perfectus sim: sequor autem si quo modo comprehendam, in quo & comprehensus sum à Christo Jesu.

li 2

**DE**

**DE EODEM COMM.  
pro Abbátibus.**

**Léctio libri Sapiéntiæ.**

*Ecc.*  
45.

**D**iléctus Deo & homínibus, cujus memória in benedictiône est. Similem illum fecit in glória sanctórum, & magnificávit eum in timóre inimicórum, & in verbis suis monstra placávit. Glorificávit illum in conspéctu regum: & jussit illi coram pópulo suo: & osténdit illi glóriam suam. In fide & lenitáte ipsius sanctum fecit illum, & elégit eum ex omni carne. Audívit enim eum & vocem ipsius, & indúxit illum in nubem. Et dedit illi coram præcépta, & legem vitæ & disciplínæ.

**IN COMMUNI  
Virginum.  
PRO VIRGINE  
& Mártire.**

**Léctio libri Sapiéntiæ.**

*Ecc.*  
51.

**C**onfitébor tibi Dómine Rex, & colaudábo te Deum Salvatórem meum: confitébor nómini tuo, quóniam adjútor & protéctor factus es mihi, & liberásti corpus meum à perditione, à láqueo linguæ iniquæ, & à lábiis operántium mendácium, & in conspéctu astántium factus es mihi adjútor. Et liberasti me secúndum multitudinem misericórdiæ nóminis tui à rugiéntibus præparátis ad escam, de mánibus quæréntium animam meam, & de portis tribulatiónum quæ circumdederunt me: à presúra flammæ quæ circumdedit me, & in médio ignis non sum æstuáta: de altitúdine ventris inferi, & à lingua coinquináta, & à verbo mendácii, à rege in-

quo,

quo, & à lingua injústa. Laudábit usque ad mortem ánima mea Dóminum, quóniam éruis sustinéntes te, & liberas eos de mánibus géntium, Dómine Deus noster.

**ITEM PRO  
Virgine & Mártire,  
ália Epístola.**

**Léctio libri Sapiéntiæ.**

*Ecc.*  
51. b

**D**omine Deus meus exaltásti super terram habitatiónem meam, & pro morte defluente deprecáta sum. Invocávi Dóminum Patrem Dómini mei, ut non derelínquat me in die tribulatiónis meæ, & in témpore superbórum sine adjutório. Laudábo nomen tuum assiduè, & collaudábo illud in confessiône: & exaudíta est oratio mea. Et liberásti me de perditione: & eripuísti

me de témpore iníquo. Propterea confitébor, & laudem dicam tibi Dómine Deus noster.

**IN COMMUNI  
plúrium Virg. & Mart.  
dicitur Epist. Fratres, De  
Virgínibus præcéptum  
Dómini, ut infrà, pag. xx.**

**PRO VIRGINE  
tantum.**

**Léctio Epístolæ Beáti  
Pauli Apóstoli ad  
Corinthios.**

**F**ratres, Qui gloriatur, in Dómino gloriétur. Non enim qui seípsum comméndat, ille probátus est; sed quem Deus comméndat. Utinam sustinerétis módicum quid insipiéntiæ meæ; sed & supportáte me. Æmulor enim vos Dei æmulatione: despóndi enim vos uni viro virginem castam exhibere Christo.

2.  
Cor.  
10. d

Cap.  
11.

**ITEM**

**ITEM PRO**  
Virgine tantum, alia  
Epistola.

Lectio Epistolæ Beati  
Pauli Apostoli ad  
Corinthios.

1.  
Cor.  
7. e

**F**ratres, De Virgini-  
bus præceptum  
Dómini non há-  
beo, consilium autem do,  
tamquam misericórdiam  
consecutus à Dómino, ut  
sim fidélis. Existimo ergo  
hoc bonum esse propter  
instántem necessitátem,  
quóniam bonum est hó-  
mini sic esse. Alligatus es  
uxóri? noli quærere solu-  
tióem. Solutus es ab uxó-  
re? noli quærere uxórem.  
Si autem accéperis uxó-  
rem, non peccásti: & si  
núpserit virgo, non pec-  
cávit: tribulatióem ta-  
men carnis habébunt hu-  
júsmodi: ego autem vo-  
bis parco. Hoc itaque di-  
co, fratres: Tempus bre-

ve est: réliquum est, ut  
& qui habent uxóres,  
tamquam non habéntes  
sint: & qui flent, tam-  
quam non flentes: & qui  
gaudent, tamquam non  
gaudéntes: & qui emunt,  
tamquam non possidén-  
tes: & qui utúntur hoc  
mundo, tamquam non  
utántur: præterit enim  
figúra hujus mundi. Volo  
autem vos sine sollicitúdi-  
ne esse. Qui sine uxóre  
est, solícitus est quæ  
Dómini sunt, quómodo  
pláceat Deo: qui autem  
cum uxóre est, solícitus  
est quæ sunt mundi,  
quómodo pláceat uxóri,  
& divisus est. Et múl-  
ier innúpta & virgo cógitat  
quæ Dómini sunt, ut sit  
sancta corpore & spiritu:  
in Christo Jesu Dómino  
nostro.

IN

**IN COMMUNI**  
non Virginum.

**PRO UNA MART.**  
non Virgine.

Epistola: Confitébor tibi  
Dómine Rex, ut supra in  
Missa Virgin. Martyr.  
pag. xviii.

**PRO NEC VIRGINE**  
nec Mártire.

Lectio libri Sapiéntiæ.

Prov.  
31. b

**M**ulierem fortem  
quis invéniet?  
procul & de úl-  
timis finibus prétium ejus.  
Confidit in ea cor viri sui,  
& spóliis non indigébit.  
Reddet ei bonum & non  
malum, ómnibus diébus  
vitæ suæ. Quæsivit lanam  
& linum, & operata est  
consilio mánuum suárum.  
Facta est quasi navis insti-  
tôris, de longè portans  
panem suum. Et de noc-  
te surréxit, deditque præ-  
dam domésticis suis, & ci-

bária ancillis suis. Consi-  
derávit agrum, & emit  
eum: de fructu mánuum  
suárum plantávit vineam.  
Accínxit fortitúdine lum-  
bos suos, & roborávit  
bráchium suum. Gustávit  
& vidit quia bona est ne-  
gotiatio ejus: non extin-  
guétur in nocte lucérna  
ejus. Manum suam misit  
ad fórtia, & dígití ejus  
apprehendérunt fusum.  
Manum suam apéruit  
inopi, & palmas suas ex-  
téndit ad páuperem. Non  
timébit dómui suæ á fri-  
góribus nivis: omnes enim  
doméstici ejus vestíti sunt  
duplicibus. Stragulátam  
vestem fecit sibi: byssus  
& púrpura indumentum  
ejus. Nóbilis in portis vir  
ejus, quando séderit cum  
senatóribus terræ. Síndo-  
nem fecit & véndidit, &  
cingulum trádidit Chana-  
næo. Fortitúdo & decor  
indumentum ejus, & ri-

dé-

débit in die novíssimo. Os suum apéruit sapiéntiæ, & lex cleméntiæ in lingua ejus. Considerávit sémitas domus suæ, & panem otíosa non comédit. Surrexérunt filii ejus, & beatíssimam prædicáverunt: vir ejus & laudávit eam. Multæ filiæ congregáverunt divítias: tu supergréssa es univérsas. Fallax grátia, & vana est pulchritúdo: múlier timens Dóminum, ipsa laudábitur. Date ei de fructu mánuum suárum: & laudent eam in portis ópera ejus.

**ITEM ALIA**  
Epístola pro vídua.  
Léctio Epístolæ Beáti Pauli Apóstoli ad Timótheum.

1.  
Tim.  
5.

**C**haríssime, Víduas honóra quæ verè víduæ sunt. Si qua autem vídua filios

aut nepótes habet, discat primùm domum suam régere, & mútuam vicem réddere paréntibus: hoc enim accéptum est coram Deo. Quæ autem verè vídua est & desoláta, speret in Deum, & instet obsecratióibus & oratióibus nocte ac die: nam quæ in delíciis est, vivens mórtua est. Et hoc præcipe ut irreprehensíbiles sint. Si quis autem suórum & máximè domesticórum curam non habet, fidem negávit, & est infidéli detérior. Vídua eligátur non minus sexagínta annórum, quæ fúerit uníus viri uxor, in opéribus bonis testimónium habens, si filios educávit, si hospítio recépit, si sanctórum pedes lavit, si tribulatió-nem patientibus subministrávit, si omne opus bonum subsecúta est.

IN

**IN ANNIVERSARIO INFRA OCTAVAM**  
Dedicatiónis Ecclesiæ.

Léctio libri Apocalypsis B. Joánnis Apóstoli.

Apoc.  
21.

**I**N diébus illis: Vidi sanctam civitátem Jerúsalem novam descendéntem de cælo à Deo, parátam sicut sponsam ornátam viro suo. Et audívi vocem magnam de throno dicéntem: Ecce tabernáculum Dei cum homínibus: & habitábit cum eis. Et ipsi pópulus ejus erunt, & ipse Deus cum eis erit, eórum Deus: & abstérget Deus omnem lácrymam ab óculis eórum: & mors ultrà non erit, neque luctus, neque clamor, neque dolor erit ultrà, quia prima abiérun. Et dixit qui sedébat in throno: Ecce nova fácio ómnia.

Dedicatiónis Ecclesiæ, & die Octáva & in ipsa die Dedicatiónis Ecclesiæ, & die Dedicatiónis Altáris dicitur Epístola ut suprà in Anniversario Dedicatiónis Ecclesiæ.

**MISSÆ VOTIVÆ.**

**IN MISSA DE**  
SS. Trinitate.

Léctio Epístolæ B. Pauli Apóstoli ad Corinthios.

**F**Ratres, Gaudete, perfecti estote, exhortámini, idem sápite, pacem habete: & Deus pacis, & dilectiõnis erit vobíscum. Grátia Dómini nostri Jesu Christi, & cháritas Dei, & comunicatió sancti Spíritus sit cum ómnibus vobis. Amen.

2.  
Cor.  
13.º

Kk

IN